



11. marts 2015

Inatsisartut suleriaasianni § 37 naapertorlugu Naalackersuisunut imaattunik apeqquteqarpunga:

Apeqqutit:

1. Kommuneni Inunnik Isumaginnittoqarfiit taamaallaat ukiut sisamakkaarlugit nakkutigineqartarnerat Naalackersuisunit naapertuuttutut isumaqarfigineqarpa?
2. Kommunit siornatigut nakkutigineqarsimasut Naalackersuisunit malittarineqartarpat? Taava Naalackersuisoqarfiup nakkutilliisimaneranit kommunet nangitsisumik iliuusaannut Naalackersuisut qanoq isumaqarpat?
3. Nakkutilliinerit sutigut pitsangorsarneqarsinnaanerit Naalackersuisut qanoq isumaqarpat?
4. Siunissami nakkutilliinerup nukittorsarneqarnissaanut qulakkeerinnittunik Naalackersuisut qanoq iliuseqarpat?
5. Meeqqat inuusuttullu inissinneqarsimasut atugaannut tunngatillugu kommunet nakkutilliinerannut, aamma kommunet pisussaaffimmittut nakkutilliinersut taakkualu malittarineqarsut eqqarsaatigalugu, Naalackersuisut malittarinnippat?

(Aaja Chemnitz Larsen, Inatsisartut ilaasortaq, Inuit Ataqatigiit)

Tungavilersuut:

Naalackersuisut 10. marts 2015-imi tusagassiutinik katersortitsinerminni Qaasuitsup kommuneani aamma Qeqqata kommuneani sullissinertigut inorsittumik amigartumillu sullissisoqarneranit paasissutissiipput. Paasissutissiineq 2014-imi nakkutilliisimanermit aallaaveqarpoq meeqqallu inuusuttullu annertuumik sumiginnarneqarsimanerannik takussutissaalluni. Pisat ilaanni kommunet ukiut arfineq-marluk tikillugit qisuariarsimaneq ajorput. FN-ip Meeqqat pillugit isumaqatigiissutaa kiisalu Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq naapertorlugu meeqqat inuusuttullu peroriartorfimmikkut isumakulunnartoqartillugu pisortanit ikiorneqarnissaminnut piginnaatitaaffeqarput.

Nakkutilliinerit meeqqat inuusuttullu ajornartorsiorfimmittut unammilligaannik ersersitseqataapput. Paasissutissanik taamak isumakulunnartigisunik paasitinneqarnitsigut ilumut kommuneni nakkutilliinerup akuttuallaartumik pisarneranit apeqquusiinissatsinnut pissutissaqalersippaatigut.

Apeqqutima ullut suliffiusut qulit iluanni Naalackersuisunit akineqarnissaat kissaatigivara.